

汀州府志



汀州府志卷之二

建置

三代封建尚矣秦置天下爲郡縣後世因之然南荒去長安天末梯航不至重譯不通聲教莫能訖也迨其後鑿山開道平險斬荒而土宇版章日式廓焉汀之建肇於晉太康成於唐開元歷宋元明以來屢有裁併分析而所領之縣益多

國家奠定海邦皇圖鞏固畫疆定界繡錯牙分蓋汀州府志

卷之二

建置

本體國經野之模以臻車書一統之盛猗歟休哉盡善盡美矣志建置

汀州府禹貢揚州之域周職方爲七閩地春秋勾踐滅吳兼閩爲閩越地秦爲閩中郡漢高帝五年封無諸於閩越國元封元年東越王餘善反武帝遷其民江淮間虛其地而逃亡者復立爲治東漢屬會稽南部都尉孫吳爲建安郡晉太康三年析建安地置晉安郡領縣八其一曰新羅卽今汀州及龍巖地宋泰始四年改晉安爲晉平廢新羅等三



縣尋復故陳隸閩州隋改閩州為豐州尋改為泉州皆隸焉唐開元十三年改泉州為福州二十四年開福撫二州山峒置汀州福州長史唐循忠招誘逃戶三千餘實郡中領縣三長汀黃連龍巖天寶元年改為臨汀郡改黃連為寧化乾元元年復為汀州大歷十二年析龍巖屬漳州以建州之沙縣來屬光啟元年王緒陷汀州尋為王潮所執乾寧間以潮為觀察使隸威武軍潮沒弟審知襲爵晉開運元年指揮使朱文進殺審知子延曦而自立以許文縝來守先是延曦

汀州府志

卷之二

建置

二

弟延政據建州

偽號殷

至是遣兵攻朱氏文縝懼以

州降開運二年地入南唐割沙縣歸劍州宋開寶元年滅江南而有其地太平興國三年復隸威武軍雍熙二年隸福建路淳化五年析長汀地益上杭武平二場竝升為縣領縣四元符二年析長汀寧化地置清流縣領縣五紹興三年升長汀之蓮城堡為縣領縣六景炎二年元兵克汀州黃去疾以城降至元十五年升為汀州路隸福建行中書省改蓮城為連城以後或隸江西行中書省至正

十六年復隸福建明洪武元年擒元行省叅知政
事陳有定改路為府屬福建布政使司成化六年
以清流之明溪鎮為歸化縣析將樂沙縣寧化地
以益之領縣七十四年析上杭地置永定縣領縣
八

國朝因之附郭曰長汀外七縣曰寧化曰清流曰歸
化曰連城曰上杭曰武平曰永定

長汀縣附郭本晉新羅地屬晉安郡唐開元二十四
年開山峒置汀州於新羅故城東置長汀縣為汀

汀州府志

卷之二

建置

三

州治所後遷東坊口

去今治北五里

大歷四年遷白石鄉

去府城南二百步即今治

在宋為衣錦鄉

通志以為宋又遷衣錦鄉者非

元明

仍舊

國朝因之

寧化縣在府城東北本晉綏城地

舊志作新羅者誤

唐乾封

二年析置黃連鎮界福撫二州間開元十三年因

居民羅令紀請升鎮為縣二十四年

縣志作二十六年開

山峒置汀州因屬焉

按寧化志十三年升黃連鎮為縣則未置州時已有此縣

矣省志二十四年升鎮為縣者誤

天寶元年改為寧化梁同光三

年遷鎮西之行篋窩即今治宋元明仍舊

國朝因之

清流縣在府城東北本長汀寧化二縣地寧化縣東麻倉團里舊有清流驛宋元符元年提刑王祖道請置縣紹定中廢元復置明仍舊

國朝因之

歸化縣在府城東本清流通明溪鎮地明成化六年同知程熙以地當將樂沙縣寧化清流之交民梗難治請於巡撫滕昭奏析四縣地為歸化縣

汀州府志

卷之二

建置

四

國朝因之

連城縣在府東南本長汀地宋元符時置蓮城堡省志

縣志俱全惟舊府志以爲唐時置未知何據

紹興六年攝汀尉虞觀請

置縣郡守鄭強又析長汀古田鄉六團里益之元改蓮為連明仍舊

國朝因之

上杭縣在府城南本晉新羅地唐為龍巖地大歷四年刺史陳劍析龍巖胡雷下保置上杭場周顯德元年南唐徙上杭場於稅梓保即今太平里宋淳化五

年升場爲縣割長汀南境隸焉至道二年徙白沙

即今白沙里

咸平二年徙語口市

即今在城里

天聖五年徙

鍾寮場

即今平安里

乾道三年縣令鄭稷奏遷來蘇里

之郭坊

即今治

元明仍舊

國朝因之

武平縣在府城西南本晉新羅地唐置州後以本州

西南地爲南安武平二鎮隸長汀五代時僞閩並

南安爲武平場南唐爲沙縣地屬劍州宋淳化

年升爲縣析長汀西南境益之屬汀州元明仍舊

汀州府志

卷之二

建置

五

國朝因之

永定縣在府城東南本上杭地明成化十四年巡撫

高明以其地險民悍去縣絕遠草寇屢發遂奏析

上杭勝運溪南金豐太平豐四等地置永定縣

國朝因之